

INUIT ATAQATIGIIT INATSISARTUNI



14.02.2023

Inatsisartut Suleriaasianni § 37 imm. 1 naapertorlugu Naalakkersuisunut apeqqutit uku saqqummiuppakka.

Naalakkersuisunut apeqqut:

- 1. Naalakkersuisut isumaqarpat Avanersuarmi qaannamik qilalukkanik qernertanik attatiinnarneqassasoq?**
- 2. Naalakkersuisut qaannamik qilalugarniartarneq kulturikkut eriagisassatut isigaat?**
 - A. Akissut aappiuppat qaannamik qilalugarniartarneq kulturikkut eriagisaanerata kinguneranik, Nunatta aamma Canadap illugiilluni suleqatigiinnnerannut qanoq annertusaaqataava?**
 - B. Akissut aappiuppat, nunanut allanut politikki eqqarsaatigalugu, qaannamik qilalugarniartarneq kulturikkut eriagisaanera iluaqutissartaqarpa?**
- 3. Naalakkersuisut siunnerfigaat qaannamik qernertanik qilalugarniartarneq kvotanik killilersuinikkut ingerlaannassasoq?**

(Inatsisartunut Ilaasortaq Mikivsusuk Thomassen, Inuit Ataqatigiit)

Tunngavilersuut:

Qaannamikqilalugarniartarneq imaangitsuuvoq ukiunilu kingulerni silap allangornerata kingunipilui, arlaannaataluunniit ilisimangisatsinnik siulittuutigisinnaangisatsinnillu silap unerisimanginnerusarnera qaannamik piniarniartunut kipiluttunartorsiortitsivoq. Qaannamik piniarneq imaannaangitsuuvoq ullorpassuillu angullugit qilalugarniartoqarsinnaasarpurp ilaatigullu susaartoqarsinnaasarluni. Aasakkut qilalugarniarfiup nalaani allanik aningaarsiuteqartoqarsinnaangilaq. Qaanaami qilalukkap mattaa

INUIT ATAQATIGIIT INATSIARTUNI



tunitsivimmut tunineqarnerani taamaallaat aningaasarsiutaasarpoq,
taamaammallu inoqutigiinnut qilalugarniarneq isumaqartupilussuuvoq.
Qajartorluni qilalukkanik pisassiisarneq silap allanngornerata kinguneranik
piniariaaseq pissusissamisoortut isigisinnaanngilara, siunissarlu
eqqarsaatigalugu killilersukkanik qilalugartassanik pisassiisarnissaq tulluarani,
tassami qilalugarniarneq piffissaq annerpaaq atorlugu ingerlanneqartarpoq,
utaqqinikkut sivisuumillu qajami issimaneq pisarluni.